

TAJRIBA-KONSTRUKTORLIK ISHLARI XARAJATLARI AMORTIZASIYASI

19. Aktiv deb tan olingan tajriba-konstruktorlik ishlari xarajatlari summasi amortizasiya qilinishi va muntazamlilik asosida xarajat deb tan olinishi kerak. Bunday hollarda sub'yekt quyidagilarga asoslanadi:

19.1. Mahsulot yoki texnologiyani sotish yoki undan foydalanishdan keladigan daromadlar yoki boshqa manfaatlarga;

19.2. Mahsulot yoki texnologiyani sotish yoxud undan foydalanish ko'zda tutilgan davrga.

Amortizasiya mahsulot yoki texnologiya sotishga yoki foydalanishga tayyor bo'lgan paytdan boshlanadi.

20. Aktiv deb tan olingan tajriba-konstruktorlik ishlari xarajatlarining amortizasiya qilinadigan summasini quyidagi muddatlarning eng qisqa davrida muntazam asosda taqsimlash lozim bo'ladi:

20.1. Aktivning xizmat muddati;

20.2. U dastlab tan olingan vaqtdan boshlab besh yil davomida.

21. Ayrim holatlarda tajriba-konstruktorlik ishlariga qilingan xarajatlar natijasida olingan iqtisodiy naf xo'jalik yurituvchi sub'yekt boshqa aktivlarni ishlab chiqarishi chog'ida sarflanib ketadi va xarajat sifatida tan olinmaydi. Bunday holatda mazkur xarajatlar amortizasiyasi boshqa aktiv qiymatining bir qismini tashkil etadi va balans qiymatiga kiritiladi. Masalan, ilgari aktiv deb hisoblangan tajriba-konstruktorlik ishlari xarajatlari ishlab chiqarish tovar-moddiy zaxiralari qiymatiga kiritilishi mumkin («Tovar-moddiy zaxiralar» 4-son BHMS). Boshqa

aktivlarning balans qiymatiga kiritilgan tajriba-konstruktorlik ishlari xarajatlari shu tariqa ana shu aktivlarning boshqa xarajatlari qilingan paytdagi xarajatlar deb tan olinadi.